



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 43. Simonis Vigorii Narbonensis Archiepiscopi fata.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI. to titulo suo, illoque Sanctæ Mariæ  
A.C. 1575. trans Tyberin assumpto, Pii V. jussu  
 Politiano, Commendano, aliisque Car-  
 dinalibus adjungebatur, ut omnes por-  
 tus, viasque publicas restaurari cura-  
 ret: die autem decima septima Martii  
 hoc anno Romæ mortalitatem exiit,  
 ejusque corpus in Ecclesia Sanctæ Ma-  
 riæ ab Angelis sepultum est, Edidit  
 orationem ad Tridentini Concilii Pa-  
 tres habitam præter alia opuscula tam  
 soluto, quam ligato sermone conscri-  
 pta.

## §. XLIII.

*Simonis Vigorii Narbonensis Archi-  
episcopi fata.*

*La Croix du* Ad eundem annum refertur obitus  
*Maine Bibl.* quorumdam Scriptorum Ecclesiasti-  
*Franc.* corum, quos inter primus est Simon  
*Brasseur hist* Vigor Narbonensis Archiepiscopus E-  
*Civil. & Ec-* broicis in Normania natus. Erat is Fi-  
*cles. du Com-* lius Raynaldi Vigorii, qui Caroli IX, &  
*té d'Eu.* Henrici III. Medicus, necnon eorum Ma-  
*ureux.* tris Catharinæ Mediceæ erat Archiater.  
 Simon ex Magistris primum nactus est  
 ipsum Parentem suum Raynaldum Vigo-  
 rium, a quo illam scientiarum aviditatem  
 hauserat, qua tam Filius, quam Pater in-  
 gens sibi nomen comparabant, postea ve-  
 ro Simon anno Christi millesimo quingen-  
 tesimo vigesimo Parisios contendebat:

ut

Sæcul. XVI.  
A.C 1575.

ut ingenium suum magis adhuc literarum ubertate excolleret, percurso autem studii Theologici curriculo publicæ scientiæ experimenta dedit, atque anno salutis nostræ millesimo quingentesimo quadragesimo ad Navarricum Collegium admissus, eodem tempore Universitatis Rector renuntiabatur, quamvis nonnisi Anno Domini millesimo quingentesimo quadragesimo quinto Doctoratus laurea ornaretur: dein vero supremi in Ebroicensi Ecclesia Pœnitentiarii dignitate auctus, atque Gabrielem le Veneur, seu Venatorem tum præfatæ Urbis Episcopum ad Tridentinam Synodum comitatus fuit, inde autem redux Ebroicensis Pœnitentiarii munus abdicabat, Parisiis Parochiæ ad Sanctum Paulum præpositus, ubi suis sermonibus, ac controversiis adversus sui ævi hæreticos habitis percelebrem se reddidit, annoque millesimo quingentesimo sexagesimo sexto cum Espinæo, Sureo Rosiero, Barba, & Dulbrario Ministellis colloquium instituit, & sibi in hujus disputationis socium Claudium Sanctonensem selegit cum tanto successu, ut ambo gloriosissimam victoriam fatentibus ipsis hisce hæreticis reportarent. Habentur hujus colloquii acta ipsius Vigorii studio, ac cura typis impressa anno millesimo quin-

Sæcul. XVI  
A C. 1575.

quingentesimo sexagesimo octavo. Postmodum Vigorius sese dogmaticis controversiis penitus dicare statuerat, ac polemicos sermones edidit Rotomagi, Metis, Ambiani, & Parisiis, ubi Deus ad plurimos veræ fidei reddendos ubique sui Ministri opera utebatur: tum demum evangelicis hisce spoliis locupletatus Parisinæ Ecclesiæ Theologus, ac postea Caroli IX. Regis Concionator eligebatur, anno autem Redemptionis nostræ millesimo quingentesimo septuagesimo post obitum Francisci Pisani Cardinalis ad Narbonensem Archiepiscopatum ad ejusdem Regis preces nominabatur, ac vix inauguratus confestim ad suam Diæcesin contendit, ubi per integros sex annos Apostolico muneri haud minori cum fructu, quam alibi vacabat, ac denique hoc anno die prima Novembris Carcassonæ obiit, ac reliquit suorum sermonum typis impressorum septem volumina, in quibus pro quadragesima, Sanctissimi Sacramenti octiduo, & pro diebus Dominicis præter alias orationes etiam Evangelii explanationes continentur.

§. XLIV.

*Matthiæ Flacii Illyrici interitus.*

*Thm. l. 61.*

**E**x Protestantibus Scriptores nonnulli hoc anno defuncti numerantur, quos inter